



Inatsisartunut ilaasortaq Andreas Uldum
/-Maani

03-09-2014
Sullap normua. 2014-103073
All. nr. 1670630

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

§ 37 naapertorlugu apeqquteqaammut nr 178-imut akissut

Naalakkersuisut augustip 20-ani Inatsisartut suleriaasianni § 37 naapertorlugu Inatsisartunut ilaasortamit Anda Uldumimit, apeqquteqaammik tigusaqarput.

Makkuninga apeqquteqarputit:

1. **Namminersorlutik Oqartussanit piginneqataaffigineqartup ingerlatseqatigiiffiup NunaMinerals-ip ukiuni aggersuni isertitaqarnissaanut Naalakkersuisut qanoq isumalluartigippat?**

Akissuteqaat:

Apeqqut taanna akisinnaajumallugu NunaMineralsimut suut unammillernartuusinnaanersut misissorneqaaqartariaqassaaq. Siullermik aatsitassarsiornermi misissueqqaarnerit ingerlanneqarneri akisuupilussuusarput suliassanik assigiinnigitsunik ingerlataqaleriartortilluni ingerlatseqatigiiffiup ukiorpaalunni akisuumillu suliassat ingerlattarmagit aatsitassamik arlalinnilluunniit aningaasarsiutigalugu paaasoqalersinnaaneranut uppersaasiiniarnermini.

Tamatuma saniatigut aatsitassat suut imminut akilersinnaanerunerinut nunarsuarmi aatsitassat akii apeqqutaasinnaasarput. Tassa oqartoqarsinnaavoq aatsitassarsiorneq sivisukulussinnaallunilu akisoorujussuusinnaavoq, aatsaallu suliaq ingerlangaatsiareeraangat iluanaarutaalersinnaasarluni.

2. **Namminersorlutik Oqartussanit piginneqataaffigineqartup ingerlatseqatigiiffik NunaMinerals-i Naalakkersuisunit qanoq pilersaaruteqarfigineqarpa aamma ingerlatseqatigiiffiup iluanaarutigineqartalernissaanut qanoq naammagittartogartiginiarpa?**

Akissuteqaat:

Qulaani apeqqutigineqartut akisinnaajumallugit pissutsit ataqatigiissagaaneri mallilugit tulleriiaartariaqarput. NunaMinerals aatsitassarsiornermi ingerlatseqatigiiffiummat aningaasartuutit ingerlatseqatigiiffiup akilersugai aallarnisaanerup

ingerlanerani isertitanut naleqqiullugit amerlanerussapput. Aallarnisaanerup nalaani misissuisoqarlunilu misileraalluni qillerisoqartarpoq aatsaallu kingusinnerusukkut aningaasarsiuutigineqalerluni ingerlatseqatigiiffimmullu aatsitassarsiornikkut iluanaa-rutaasinnaalerluni.

3. Naalakkersuisut maannakkut NunaMineralsip ineriartornera naammagisi-maarpaat?

Akissuteqaat:

NunaMinerals ingerlatseqatigiiffiuvoq aatsitassanik misissueqqaarnermik inger-lataqartoq, ingerlatseqatigiiffiup aallartisarnerata ingerlanerani ukiumut amigar-tooruteqartartussatut ilimagineqartariaqartoq. Suliniut niuernikkut aatsaat atorluarneqaleraangami ingerlatseqatigiiffimmu sinneqartooruteqartitsisinnaaler-sarpoq. Kingullermik ataatsimeersuortoqarmat aktiaatit agguataarlugit tuniniar-neqarnissaat akuersissutigineqarpoq, tamatumalu kingunerisaanik aktia ataaseq kr. 100-mik nalilik aktianut 20-nut avinneqarsinnaalerpoq ataaseq kr. 5-mik akeqar-tillugu taamaaliornikkut aktiap nalinga pitsanngortinniarlugu aammalu aktianik niuerfissuarmi børsenimi aktiat niuerutiginissaat piuminarnerulersinniarlugit.

Tamatuma saniatigut NunaMinerals niuernikkut nalorninartumik inissisimavoq, soorluttaaq tamanna aamma ingerlatseqatigiiffiup ukiup affaani siullermi 2014-imut naatsorsuutaani kingullermik oqariartuutigineqartoq. Uanili aamma pingaartuuvog oqaatigissallugu tassalu 2014-ip ukiuata affaani siullermi amigartoorutaasut piffissami tamatumani siornamut naleqqiullugit ikinnerummata.

4. Naalakkersuisup ingerlatseqatigiiffimmi ingerlatsinermut allaffissornermullu aningaasartuutaasartut annertussusaannut qanoq isumaqarpat – ilanngullu-git pisortat akissarsiaat – NunaMinerals-imi?

Akissuteqaat:

Soorlu apeqqutini siuliani oqaatigineqartoq, aatsitassarsiorneq suliassaqarfiuvoq assut aningaasartornartoq. Aatsitassanik misissuineq sulisunik immikkut ilinniar-simasunik sulisoqarnissamik pisariaqartitsisarpoq, amerlanertigut avataaniit sulisu-ssarsiarineqartariaqartartunik imaluunniit ingerlatseqatigiiffiit allat unammillerlugit.

Tamatuma saniatigut ulluinnarni ingerlatsinermut Naalakkersuisut akuliukkusunneq ajorput taamaattorli ingerlatseqatigiiffiup ineriartornerani pingaarutillit isiginiar-neqartarput. Tamannalu tamatumunnga pilersaarusiariqartoq malillugu pisarpoq. Ingerlatseqatigiiffiup ingerlalluarnissaa Naalakkersuisut isumalluarfigaat taamaa-lilluni inuiaqatigiinnik sullissinerit tunisassiornerillu iluaqutissartaqanngitsumik akitsorsaavigineqaratik ingerlanneqassammata.

Pitsaasumik ingerlatsisoqarnissaa qulakkeerniarlugu Naalakkersuisut naatsor-suutigaat ingerlatseqatigiiffimmi siulersuisut ingerlatseqatigiiffiup aningaasar-tuutaanik malinnaaviginnilluarumaartut. Ingerlatseqatigiiffiup qullersaqarfiani isuma-qatigiissusianut siulersuisut akisussaaffeqarput. Ingerlatseqatigiiffiup qullersaqar-

fiani akissarsiatigut atugassarititaasut ingerlatseqatigiiffiup aningaasaqarnera angusarisaalu malillugit pinissaat Naalakkersuisut naatsorsuutigaat. Tamatuma sanitigut akissarsiat inuiaqatigiinni aningaasarsiornikkut pissusiusut naapertorlugit naammaginatunimik inissisimatinneqassapput.

Inussiarnersumik inuulluaqqusillunga
Med venlig hilsen


Aleqa Hammond